

# DISQUISITIO MEDICA.

*De ea quæ undecimo mense peperit.*

In qua , sententia Hippocratis de summo  
gestationis termino examinatur.

A JOANNE TARDINO , Doctore Medico,



*Juxtà Exemplar Turnoni impressum anno 1640,*

*P A R I S I I S,*


Excudebat JOANNES-THOMAS HERISSANT,  
Typographus Regius.

---

M. DCC. LXV.

*Cum Permissu.*





Nobilissimo Clarissimoque DOMINO D.  
JOANNI DE MICHA, Domino de  
Burfin, Consillario Regio, Gruisval-  
densi Proprætori integerrimo.

JOANNES TARDINUS. S.

**N** I H I L in totâ naturæ contemplatione ;  
involutum magis , aut intricatum est , quàm  
quod de variis humani partûs temporibus , à  
veteribus proditum accepimus ( Proprætor  
integerrime : ) neque verò medicorum tan-  
tùm , sed & jurisperitorum quoque , ingenia  
exercuit hæc disquisitio. Hi enim , cum ani-  
madverterent tam varias , & discrepantes  
hâc in re medicorum sententias , & , quod  
caput est , cum viderent , tam eos qui bre-  
viorem , quàm eos qui longiorem terminum  
pregnantibus assignant , Hippocratis aucto-  
ritate niti ; varios quoque terminos , utero  
gerentibus , præfigendos duxerunt : nam  
modò summum gestationis tempus , decimo  
mense incluserunt ; modò ad undecimum ex-  
tenderunt. Ego verò , datâ occasione , ut  
primùm hanc quæstionem accuratiùs exami-  
nare cœpi ; miratus sum , Hippocratem , divi-  
num illum virum , cui hoc elogium à veteri-  
bus tributum est , nec falli potuisse , nec fal-

A ij

4  
lere voluisse, huic contentioni occasionem dedisse: verum paulò post, prior illa admiratio in aliam conversâ est; miratus, inquam, sum, ex apparente aliquot locorum differentiâ, quæ in verbis potiùs, & computandi modo, quàm in re ipsâ posita est, tot excitationes esse controversias; cùm nullibi clariùs & apertiùs suam mentem aperuerit: quod, ni fallor, in hâc disquisitione patebit evidentiissimè. Hanc autem, sub tui nominis splendore, in lucem emisi, ut hoc aperto & publico testimonio proderem, quantum te intus geram: quantum, inquam, tuas illas eximias animi dotes, tacitus apud me admiratus sim, & veneratus: nam ad singularem illam, quâ polles, non tantùm Juris, sed & ceterarum disciplinarum notitiam, tantam morum probitatem & suavitatem adjecisti, ut omnium animos ad te rapias & convertas. Sed & cùm summi illi Judices tuam, suis in causis dijudicandis, æquitatem quotidie experiantur, sanè, si meum conatum tibi probari intellexero, non diffidam quin & ipsi eundem sint comprobaturi.





# DISQUISITIO MEDICA.



*De ea quæ undecimo mense peperit.*

**T**ITIUS, cum sexagesimum ætatis annum ageret, circa æstatis initium, Hemiplegiâ correptus est; quæ, per duos annos & octo circiter menses, perseverans, tandem illum de medio sustulit. In hoc longo morbi decursu, variæ mutationes contigerunt: nam, per initia, convenientibus prædiis adhibitis, & valente adhuc naturâ, aliquantulum sibi restitui visus est; nam & equo insidere, & domi assidentium humeris suffultus ambulare poterat: quin &, hoc ipso tempore, defunctâ primâ uxore, de secundis nuptiis cœpit cogitare, & nono mense, à primo morbi insultu, cum Titia matrimonium contraxit: verum infelici admodum eventu; nam, post duos menses, recrudescens morbus ita eum lectulo affixit, ut per tres menses integros immobilis in eo jacuerit: Symptomata omnia exacerbata sunt: in resolutis partibus sensus & motus conciderunt: imo & calor nativus penè extinctus est; unde lividæ, subtumidæ, perpetuo frigore algescentes, & quasi cadaverosæ conspiciebantur. Atque cum inter has angustias totum annum, & aliquot

menes tranſegiffet, adivit balnea Dinenfia. Verùm & infelici ſucceſſu eorum uſum tentavit; liquatis enim cerebri humoribus, nova fluxio in ſubjectas partes concitata eſt, quæ magis ac magis naturam oppreſſit; urina, non expectato voluntatis imperio, ſuâ ſponte defluens, lectulum & ſubjectas veſtes perpetuò conſpurcabat.

Et cum illius vellicationem præſentiret, non poterat emiſſarium in matulam immittere, abſque aſſidentium miniſterio. Sicque, cum omnia in pejus ruerent, tandem, decimo ante obitum die, novo morbi inſultu concitato, ſenſus non tantùm externi, ſed & interni labefactati ſunt; jacuit attonitus, ſine voce: urinæ, & alvi recrementa, quâ data porta, effluabant; tandemque alto veterno obrutus fatiſ ceſſit.

Titia ejus uxor, poſt decem meſes civiles integros & abſolutos, ab obitu viri computandos, & ſex dies undecimi meſis, puellam enixa eſt. Quæritur an poſthumus ille fœtus Titio ſit acceptus referendus?

Sanè primâ fronte referendus videtur. Nam Hippocrates, Ariſtoteles, aliiſque ſummi tùm Medici, tùm Philoſophi, undecimeſtres partus admittunt, ac eos potiſſimùm qui ad undecimi meſis principium deveniunt. Cum mulier ultra plenilunium concipit (inquit Hippocrates) neceſſe eſt eum conceptum undecimum meſem attingere: ſanè undecimum meſem attingere nihil aliud eſt, quàm ad undecimi meſis principium devenire: atqui ſex dies, pro undecimi meſis principio, ſunt habendi. Et quamvis Jurisconſulti undecimi meſis apprehenſionem ad duos dies tantùm extendant, ſtatuentes longiſſimum geſtationis tempus eſſe decem meſium & duorum dierum; hoc tamen in caſu, excuſationi potiùs, quàm accuſationi locus eſt; ſolent enim mulieres virorum obitum, lamentiſ

gemituque & fœmineo ululatu, excipere: Atqui animi illa pathemata plurimas mutationes caloris nativi invehere possunt; quod declaravit Hippocrates exemplo Phœusa.

Quæ, viro in exilium relegato, tanto mœrore perculsa est, ut remulierascere non potuerit; hoc est, ut nostri interpretantur, menstruum illum sanguinis effluxum nusquam ab eo tempore passa est; sed, illo in corpus effuso, habitum & vocem virilem induere visa est & barbara emisit. Titia ergo, cum à paucis diebus in utero haberet, ex obitu viri tantum mœroris concepit, ut spiritus, qui præcipua sunt facultatis formatricis instrumenta, ad cor derivati sint, ut fieri solet in magna animi consternatione. Quid ergo mirum, si vis illa efformatrix in morbofo semine delitescens, ut pote quod ex morbofo parente deciduum erat, cessante spirituum affluxu, tam citò suum opus non perfecerit, sed ad quatuor dies distulerit? Sed & nonnulli percelebres Medici ac Philosophi constanter decernunt nullum à natura tempus, uteri gestationi, mulieribus esse præfinitum: natura enim *Philantropos* multas concessit dotes mulieribus, supra cæterorum animalium conditionem: hæc enim, certis duntaxat anni tempestatibus, in mutuos amplexus ruunt; quibus elapsis, nullo cupidinis æstro concitantur: at verò mulier quâlibet anni tempestate, sive frigidâ, sive calidâ, sive udo, sive sudo cœlo potest concipere; ergo ut concipiendi, sic nec pariendi, ullum tempus à naturâ mulieribus præfinitum est. Quo ergo jure, quâve injuriâ, leges, quæ aliis in casibus privilegia ampliare, & pœnas solent restringere, hoc benefica naturæ munus mulieribus concessum, aufæ sunt restringere, & ita restringere, ut ne latum quidem unguem liceat ab illis discedere? ergone, cum tam dubia sint & intricata ea quæ de conceptûs,

formationis, motûs, & partûs temporibus, à Philosophis & Medicis proferuntur, poterit certus præscribi terminus, ut ne quatuor dierum spatio liceat illum transgredi; quin & infelix mulier perpetuo exponatur opprobrio, & posthuma proles à charissimi parentis hæreditate arceatur?

Cæterùm, si universam rem æquâ lance ponderemus, manifestè deprehendemus suppositum esse partum, qui Titio nulla ratione acceptus potest referri. Hanc conclusionem duplici ratione demonstrò; ac primò quidem dico virilitatem in Titio concidisse, ab eo tempore quo secundus insultus morbi rediit, qui, cum sexdecim circiter mensibus contigerit ante obitum Titii, non potest fœtus, qui undecimo mense ab illius obitu in lucem prodiit, ipsi acceptus referri. Addo secundò extra controversiam esse virilitatem Titio ademptam fuisse, saltem eo postremo insultu qui decimo die eum è vivis sustulit, ac propterea non computandos esse dies gestationis ab obitu Titii, sed saltem à decem illis diebus quibus insultus ille contigit. Quo posito dico totam illam dierum summam, ex decem illis diebus, cum decem mensibus civilibus completis, & absolutis, & sex diebus undecimi mensis, excedere quadraginta diebus, summum gestationis tempus, quod Hippocrates & cum eo melioris notæ Medici utero gerentibus assignant. His duabus rationibus conclusio nostra fulcitur, ac propterea paulo fusiùs examinandæ sunt. Atque, ut ad primam accedamus, dico virilitatem, in secundo insultu, Titio ademptam fuisse, tum ratione ætatis, tum ratione morbi: ac, quod ad ætatem attinet, scio legem illam Poppæam, quæ sexagenariis fibulam imposuisse dicebatur, abrogatam fuisse: & tamen hæc ipsâ lege demonstrò id quod intendo. Dico enim tam eos qui legem tulerunt, quàm eos qui latam abrogârunt, optimâ ratione



tionē ductos fuisse ut ita facerent; qui enim legem tulerunt, respexerunt ad id quod fit ut plurimum.

Cum igitur ut plurimum contingat vitilitatem in sexagenariis concidere, ut docet Aristoteles; optima profecto ratione ducti sunt, qui sexagenarios à contrahendo matrimonio arcuerunt. Cæterum quia, ut notat Hippocrates, multum differt natura à natura, frequenterque docuit experientia nonnullos esse in quibus natus calor ita vegetus est, ut etiam sexagesimo anno prolem suscipere valeant: ne illis injuria fieret, lex illa abrogata est. Ergo, ut ad rem accedamus, si in Titio vegetioris illius caloris nota aliqua, aut illecebræ vigor supra communem hominum conditionem emicuit, nolim ego illi fibulam imponere. Verum symptomata illa, quæ in secundo insultu contigisse monuimus, manifestè arguunt, calorem nativum in Titio penè fuisse extinctum: nam resolutæ partes erant lividæ, tumidæ, perpetuò algescentes, sine sensu, sine motu, & absque ullo naturæ vigore. Crudele profecto atque horrendum fuit supplicii illud genus, quod Tyrannus ille excogitavit, qui, ut ait Poëta,

*Mortua quin etiam jungebat corpora vivis,  
Connectens manibusque manus, atque oribus ora:*

Æquè calamitosa est hemiplegicorum conditio; in quibus resolutæ partes, penè emortuæ & cadaverosæ, tetro suo halitu, alias partes quibus affixæ sunt, inficiunt & conspurcant, nativumque calorem cum vitâ sensim extinguunt. Quid ergo de Titio sperandum est, qui, in decrepitâ ætate, consummatâ hemiplegiâ tentatus est: si calor natus non fuit sufficiens ad conservandas individui partes, quomodo speciei conservationi potuit incumbere?

Quod si placeat rem paulo altius repetere, & investigare ea quæ ad virilitatem necessaria sunt,

facile constabit eam omnino in Titio fuisse extinctam. Ergo ad virilitatem duo requiruntur, fecundi scilicet seminis elaboratio, & ejusdem valida & conveniens immissio. Circa seminis elaborationem; quâ ex materiâ constet, quibus ex partibus sit deciduum, nostri multa disputant. Sed, ne videar dubia & incerta pro certis intrudere, ea proferam quæ apud omnes in confesso sunt. Certum ergo est, seminis materiam esse residuum alimenti perfecte cocti & elaborati, imo purissimam illius portionem: quod demonstrat Aristoteles exemplo Amyli: sicut enim, ex multo tritico, pauca Amyli materia eruitur, eoque separato, quod reliquum est terrenum est & feculentum; ita, ex multâ copîâ sanguinis, pauca seminis materia educitur, quæ est purissima portio totius massæ sanguineæ; unde fit ut, ex immodico Venereorum usu, ingens lassitudo consequatur. Et, ut notant aliqui, uncia una seminis per excessum effusa plus detrimenti affert corpori, quàm si quadraginta sanguinis uncia effunderentur.

Sed & purissima illa sanguinis portio multo spiritu perfundi debet, unde fecundum semen spumofum est, quod multo spiritu turgear; & fortè inde nata fabula est Venerem ex spumâ maris ortam fuisse, ac propterea natura, miro artificio, vasa illa, quæ seminis elaborationi destinata sunt, ita machinata est, ut res illæ præcipuæ corporis partes, suos spiritus ac salutares influxus seminali materiæ imprimerent; atque in his spiritibus potissimum insidet Divina illa vis quæ corpus efformat, ex quibus manifestè vincitur, ut, si aliquod ex nobilibus illis visceribus aliquâ labe aut substantiæ corruptelâ contaminetur, aut nullum, aut omnino infœcundum semen producat: unde quibus jecur Scirrhum est, aut cachexiâ & hydrope laborant; similiter qui tæbe & marcore conficiuntur, ob cordis

intemperiem, hi omnes infœcundi censentur. Atque idem iudicium esto de iis qui insignem aliquam labem in cerebro contraxerunt. Etenim cerebri influxus, ad seminis elaborationem, ita necessarius est, ut nonnullis melioris notæ Medicis & Philosophis placuerit, etiam ipsam seminis substantiam & crassamentum ex cerebro derivari: & sanè nulla corporis pars est, quæ effrenioris libidinis damna potiùs sentiat, quàm cerebrum, adeo ut vulgò credatur; in libidinofioribus, exhaustam esse magnam portionem cerebri & spinalis medullæ; ac propterea calvos effici: quod fortè voluit denotare Hippocrates in Epidemicis his verbis, *Cerebri consumptio, ideo & calvities*: & facetè admodum idipsum insinuant illi milites, qui, triumphante Cæsare, sic exclamabant, *Uxores vestras servate, cives, vobis mœchum calvum adducimus.*

Sed evidentius idem Hippocrates demonstrat, ex frigida cerebri intemperie, sterilitatem induci, exemplo Scytharum: nam, libro de aere, aquis, & locis, causam inquirens, cur Scytharum nonnulli fiant effœminati & ad Venerem impotentes? volensque ostendere hujusce eventus causam naturalem esse, nec in Deorum iram referendam, ut ipsi existimabant, docet Scythas, ex longâ & frequenti equitatione sine stapedibus, articulorum doloribus corripì, claudosque effici contractis coxendicibus; quibus morbis ut occurrant, venam retro aures aperiant; qua medicatione, inquit, se ipsos perdunt; venæ enim retro aures sunt, quas si quis secet, sterilitatem inferat his quibus secantur: quare id etiam ipsis, ex earum incisione, accidere certum est. Quarunt Medici quâ fieri possit ut illarum venarum sectio Scythis sterilitatem inducat, statuuntque communiter perfrigeratum, ex illa sanguinis missione, cerebrum huic morbo causam dare: refrigerati

autem cerebri indicium ex eo deducunt, quòd doceat Hippocrates, ab illa sanguinis missione, profundum somnum obrepere. Quod si ita est, multò perfectò calamitosior est hemiplegicorum cerebri intemperies, quàm Scytharum: quod ex eo facilè convincitur quòd in hemiplegicis functiones omnes penè concidant, aut magnâ ex parte labefactentur, ut non semel monuimus. At verò Scythæ, cæteras omnes functiones, tum naturales, tum vitales, tum etiam animales poterant obire; ac propterea, cùm, cæteris partibus bene valentibus, hanc unam concidere deprehenderent, causam in Deorum iram referebant. Et notat Herodotus, hunc illis morbum à Venere immissum; quod Uraniæ Veneris templum, in Ascalone Palestinæ urbe situm, depeculati essent. Quin etiam Scythæ, cùm se eviratos deprehenderent, ad muliebria munia divertebant; hemiplegici verò ad plantarum munia divertunt: nam, instar trunci, lectulo, aut cathedræ semper affiguntur,

Cæterum necessarius est cerebri influxus non tantum ad seminis elaborationem, sed etiam ad ejusdem validam, & convenientem immissionem. Decernunt enim, communi consensu, Medici seminis immissionem esse actionem partim naturalem, partim animalem; sicut enim in urinæ emissionem utraque functio manifestè deprehenditur: nam primò renes, naturali instinctu, serum à sanguine segregant, segregatum in vesicam demandant, in vesica detentum facultatem expultricem stimulant, quâ stimulata, laxatur musculus qui vesicæ orificium claudit, ac, si opus sit fortiori ejaculatione, musculi vesicæ assidentes ipsam comprimunt, & illius educationem promovent: ita, in emissionem seminis, primò vasa ipsa elaborando semini destinata, naturali instinctu; materiam, ex universâ sanguinis malsâ,

prolestant & elaborant, elaboratam, suis in loculis, tanquam in penu recondunt; ea autem longiorem moram his in locis trahens, vel suo pondere gravat naturam, vel suâ acrimoniâ expultricem facultatem vellicat; unde natura ad illius exclusionem se accingens, multo spiritu flatulento, colem distendit, eoque distento, tum naturali impetu, tum musculorum ministerio, materiam illam extra corpus exturbat. Ergo, cum animales functiones à cerebro dependeant, ut pote quæ nervorum & musculorum ministerio peraguntur; sanè, male affecto cerebro, necesse est hujusmodi functiones concidere, quamvis illæ, quæ solo naturæ instinctu perficiuntur, remaneant, cujusmodi est colis inflatio. Ex quo facile intelligere est quî fiat ut hemiplegici, per morbi initia, importuno illo coeundi appetitu, vellicentur; cum tamen vires omnes penè labascant: causa enim hujusce eventûs, in flatulentum illum spiritum referenda, qui, in cavernosos illos meatus, se insinuans, concitationem illam promover; excitatur autem flatulentus ille spiritus tum à continuo decubitu in renes, tum à calidioribus linimentis quæ spinali medullæ admoventur, ut frigida illa intemperies emendetur; ergo illa colis inflatio, cum sit naturæ opus, neque musculorum ope perficiatur, potest quidem in hemiplegicis remanere: verùm valida illa & conveniens immissio in uterum, quæ fit ministerio musculorum, in hemiplegicis concidit: neque existimo visum esse usquam ullum, consummatâ hemiplegiâ laborantem, qui potuerit liberos suscipere. Et sanè frequenter aliquos observavi hoc morbo correptos, qui, per initia, ad Venerem maximè proclives erant; verùm, si quando remtentassent, læsi sentiebant quam noxius sit huic affectui Veneriorum usus: unde cautiore facti, illum sane pejus & angue detestabantur. Procedente au-

tem morbo, pruriginem quandam sentiebant, sed ut ea ex flatulento tantum spiritu concitabatur, ita in flatum facile solvebatur. Crediderim hoc ipsum Titio accidisse; nam cum, in primo morbi insultu, superesset adhuc aliquis naturæ vigor, & sub his cineribus aliqua virilitatis scintilla delitesceret, cogitavit misellus de secundis nuptiis, tentavitque ex Titia prolem suscipere; verum maximo damno id tentavit, nam, exhausta spirituum copia, & labefactato naturali calore, secundus ille insultus morbi rediit priore multo calamitosior; ita ut admodum credibile sit, ab eo tempore, scintillam illam virilitatis in favillam abiisse, ac, si quando rem tentare voluit, effæto elumbis arietavit impere.

JAM verò, ut ad secundam conclusionis nostræ rationem accedamus, id repero, quod supra monui, extra omnem controversiam esse virilitatem in Titio fuisse extinctam, in postremo illo insultu qui decimo die eum e vivis sustulit; neque existimo quemquam id negaturum, quantumvis studio contradicendi teneatur: nam si effætam illam ætatem, morbi malignitatem & longitudinem, symptomata, quæ in hoc postremo insultu contigerunt, vel mediocriter perpendeat, ridiculum profecto judicabit dicere misellum, inter has angustias, de suscipiendis liberis potuisse cogitare. Ut igitur partus Titio acceptus referatur, non debet fieri computatio dierum gestationis, ab obitu Titii, sed saltem à decem illis diebus. Quo posito, dico summam illam, ex decem illis diebus, cum decem mensibus civilibus completis, & sex diebus undecimi mensis, excedere, quadraginta diebus, summum gestationis terminum qui à Medicis assignatur. Scio equidem quàm variæ sint & discrepantes Medicorum sententiæ circa summum gestationis tempus,

adeo ut, in procelloso maris æstu, non magis videas littora littoribus contraria, fluctibus undas, quàm hîc, placita placitis, & rationes rationibus oppositas. Et sanè maximum est hoc ignorantia nostræ argumentum nos hâc in re caligare, cujus cognitio jam à tot sæculis tentata est; cùm tamen & frequenter sensibus occurrat, & potenter se in ipsos insinuet, & avidè ab his excipiat. Quòd si in hâc sensuum luce ita caligamus, quantum cæcutiemus in his quæ in sensuum recessu posita sunt! Cæterum sicut nautæ, sæviente tempestate, cynosuram inspicunt; ita ego, in hoc contentioso & veluti procelloso disputationum æstu, Hippocratem, tanquam cynosuram, inspiciendum duxi: hujus enim auctoritas, apud jurisconsultos & sapientes omnes, plurimum valuit; hunc omnis ætas, tanquam numen aliquod è cælo delapsum, venerata est: hujus placita, pro oraculis, habita sunt: illi hoc elogium à veteribus tributum est, nec falli potuisse, nec fallere voluisse. Ergo, ex Divini illius viri oraculis, conabor eruere quid in propositâ difficultate sentiendum sit.

Atque, cùm ipsemet palam & apertè testetur fœtum non posse, ultra septimum circuitum quadragenarium, in utero remanere, ac, ne ullus esset dubitationi locus, docet septem illos circuitus efficere ducentos & octoginta dies, sanè non opus esset valde magnâ solertiâ, ad faciendam istam supputationem; nisi ille ipse author doceret septem illos circuitus undecimum mensem apprehendere. Quo ex loco, non levis oritur difficultas: cùm enim septem illi circuitus quadragenarii conficiant novem duntaxat menses civiles integros, & sex dies circiter decimi mensis; quî fieri potest ut, cùm in illis desiderentur plusquam viginti dies ad complementum decimi mensis, nihilominus possint unde-

cimum apprehendere? Ex hâc difficultate, uti existimo, nata sunt diffidia inter Medicos, cum alii summum gestationis tempus decimo mense includant, alii ad undecimum extendant, & utrique, Hippocratem in suam sententiam trahant. Ad hujus difficultatis explicationem, duo veniunt inquirenda. Primò quos menses intellexerit Hippocrates; secundò quomodo illi computandi sint. His enim perspectis, facile intelligemus quâ fieri possit ut septem illi circuitus quadragenarii undecimum mensem possint apprehendere, totamque difficultatem, potius in loquendi modo positam, quàm in re ipsâ deprehendemus: neque enim Hippocrati venit unquam in mentem longiorem terminum utero gerentibus assignare, quàm septem illorum circuituum quadragenariorum.

Ergo mensis alius est Solaris, alius Lunaris. Solaris mensis est spatium illud, quo Sol unum signum, sive duodecimam Zodiaci partem perlustrat; constat autem hic mensis triginta diebus, & aliquot horis. Mensis Lunaris à Lunâ denominatur; est autem variis respectibus multiplex: alius enim est mensis peragratorius, spatium scilicet illud quo Luna Zodiacum percurrit; estque dierum viginti septem & octo horarum. Alius apparitionis; tempus illud, scilicet, quo Luna nobis apparet, estque dierum viginti sex & duodecim horarum circiter. Alius denique conjunctionis; quo Luna, ab unâ Solis conjunctione, ad aliam conjunctionem redit; & continet dies viginti novem cum dimidio.

His ita positis, quærunt Medici quis horum mensium, in Hippocraticâ computatione, sit assumendus; existimant nonnulli, etiam ex recentioribus & melioris notæ Medicis, Solares menses esse intelligendos; quod demonstrant ex eo quòd sol maximam



nam habeat vim, tum ad formationem, tum ad perfectionem, & exclusionem fœtûs: nam, ut inquit Aristoteles, sol & homo generant hominem: ergo illius cursus, toto gestationis tempore, est observandus: addunt hoc ipsum voluisse Hippocratem, siquidem, in lib. de octimestri partu, juxta aliquorum versionem, sic habet: *Oportet autem vel maximè considerare, quòd novilunium, quod dies unus existit, exactissimè trigesima mensis pars est: duo autem dies, fermè quindecima mensis pars sunt.* Sanè, si dies unus sit exactissimè trigesima mensis pars, totus mensis erit dierum triginta, qui dierum numerus non potest competere ulli ex mensibus lunaribus. Nihilominus certum est & indubitatum Hippocratem audiehndum esse de mensibus lunaribus, iisque qui conjunctionis nuncupantur; siquidem ut solis, sic & lunæ, in hæc inferiora influxus, tum potissimum in fœtûs efformatione, venit observandus: ut enim cerebrum, spiritus à corde acceptos, in universum corpus transmittit, ita luna, quos à sole suscepit radios, in hæc inferiora demandat, sicque omnium mutationum & generationum causa censetur; &, ut notat Aristoteles, luna, radiis illis solaribus velut imprægnata, parvus quidam sol nuncupari potest. Sed & superstitiosa illa antiquitas lunam, tanquam partuum præsidem, compellavit.

*Rite maturos aperire partus*

*Lenis Ilithyia, tuère matres;*

*Sive tu Lucina probas vocari,*

*Seu genitalis.*

Ergo cum duorum illorum syderum concursus, ad productionem & maturationem fœtûs, sit necessarius: utriusque cursus, toto gestationis tempore, erit observandus, Mensis autem ille Lunariorum, quem

conjunctionis appellant, varias illorum syderum conjunctiones complectitur. Ergo, hîc in Hippocraticâ undecim mensium computatione, venit assumendus. Sed Hippocrates ipse, tam clarè & apertè suam mentem aperuit, ut superfluum omnino videatur rationibus id velle demonstrare; siquidem, in libro de septimestri partu, dum demonstrat septimestres partus fieri ex centum octoginta diebus, dum quinque menses intermedios enumerat, ait illos constare centum quadraginta septem diebus cum dimidio; &, ut omnem dubitandi locum eripiat, subdit duos menses constare sexaginta diebus, uno minùs: constabit ergo quilibet mensis, viginti novem diebus cum dimidio: qui dierum numerus mensi conjunctionis assignatur. Galenus quoque, in fragmento de septimestri partu, hunc ipsum Hippocratis locum explicans, ita habet. Nam mensem nominari spatium quod, ab uno lunæ coitu cum sole, usque ad alterum intercidit, nemo est qui nesciat; quod tempus viginti est & novem dierum cum dimidio.

Igitur ad citatum Hippocratis locum: Novilunium, quod dies unus existit, *exactissime* trigesima mensis pars est. Dico versionem illam depravatam esse: malè enim illi vertunt adverbium illud *ἡγύτα* *exactissime*, cum potius vertendum sit, *proximè*, ut vertunt Calvus, & Lalamantius: sic igitur legendus est ille locus Hippocratis: Novilunium quod dies unus existit, *proximè* trigesima mensis pars est: & sanè ita legendum esse demonstrat id quod sequitur, etiam juxta Cornarii versionem: *Duo autem dies fermè quinta-decima mensis pars sunt*; eodem enim modo duo dies sunt quindecima mensis pars, quo unus trigesima. Ergo si duo dies non sunt *exactè*, sed tantum *fermè* quindecima mensis pars, ita nec unus dies erit *exactè*, sed tantum *proximè*, trigesima mensis pars. Atque hic

Hippocratis locus, ita restitutus, mirè sententiam nostram approbat de assumendis mensibus lunaribus.

Superest ergo ut videamus quomodo facienda sit ista computatio, ut ducenti & octoginta dies undecimum mensem lunarem possint apprehendere. Dico igitur, in hâc supputatione, menses intermedios, completos & absolutos, computari debere, assignando unicuique mensi viginti novem dies cum dimidio: at verò primum & ultimum incompletos, pro completis, numerari. De intermediis quidem, quòd completi numerandi sint, nulla est difficultas: de postremo quoque mense, quòd incompletus, pro completo, numeretur, satis patet ex ipso loquendi modo quo utitur Hippocrates, dum ait nonnullas undecimum mensem apprehendere: nihil enim aliud vult dicere, quàm ad undecimi mensis principium pervenire. Sed & Jurisconsulti, ut jam adnotavimus, apprehensionem illam undecimi mensis, ad duos duntaxat dies, extendunt. Ergo tota difficultas est de primo mense, an scilicet, sicut principium undecimi mensis pro undecimo mense numeratur; ita finis primi mensis, pro primo mense veniat, computandus.

Ad quod respondeo, ex mente Hippocratis, finem primi mensis, pro primo mense, computari: nam, claris & apertis verbis, hoc ipsum docet in libro de octimestri partu: *Ceterum*, inquit, *decimestres & undecimestres partus, ex septem quadragenariis, eodem modo fiunt, velut, ex dimidio anno, septimestres*. Ergo eodem modo computandi sunt undecim menses, ex septem quadragenariis consurgentes, quo septem menses ex dimidio anni: cum enim dimidium anni sit tantum sex mensium, æquè difficile est intelligere quomodo, ex sex mensibus, sep-

timeſtres conſurgant, atque, ex ſeptem quadragenariis, undecimeſtres: igitur Hippocrates, libr. de ſeptimeſtri partu, oſtendit quomodo facienda ſit iſta computatio. *Septimeſtres*, inquit, *naſcuntur diebus centum & octoginta duobus ac dimidio, & inſuper accedente diei particulâ; ſi enim primi menſis dies quindecim ſupputaveris, deinde quinque menſium dies centum quadraginta ſeptem ac dimidium, (in ſexaginta enim diebus, uno minùs, quàm proximè, duo menſes perficiuntur) his ſic ſe habentibus, ad ſeptimum menſem ſuperſunt dies pluſquàm viginti.* Vides ergo quàm clarè & apertè doceat Hippocrates, in hâc computatione, ſolos menſes intermedios, completos & abſolutos numerandos eſſe: primum verò & ultimum incompletos pro completis haberi: Et verò hic numerandi modus, in quo menſes aut dies incompleti pro completis habentur, Medicis uſitatiffimus eſt: nam, in computandis diebus febris tertianæ aut quartanæ, dies incompleti pro completis habentur. Eſto, exempli gratiâ, corripatur Socrates febre intermittente die lunæ, horâ quintâ pomeridianâ, ac primus ille inſultus continuet per quatuor aut quinque horas, remaneatque febris expers totâ die Martis: die verò Mercurii, circa meridiem, ſecundus inſultus febris redeat; ſanè febris hæc tertiana nuncupabitur, & tamen, ab horâ quintâ pomeridianâ diei lunæ, ad meridianam horam diei mercurii, non ſunt duo dies integri: ſolus enim dies intermedius completus eſt; finiſ autem diei lunæ, pro primâ die, ſicut & initium tertię diei, pro tertiâ computatur, Sed & Theologi hoc ipſo computandi modo utuntur, ut demonſtrent quomodo Chriſtus Dominus, tertiâ die, à mortuis reſurrexit: nam, à pretioſiſſimâ illius morte, ad gloriouſſimam ejusdem reſurrectionem, eſt tantum unus

dies completus & absolutus, finis autem primæ diei, pro primâ die; & principium tertiæ, pro tertiâ, computatur. Ergo similiter, in computatione undecim illorum mensium, soli menses intermedii completi & absoluti numerandi sunt, primus verò & ultimus incompleti, pro completis, numerantur. His igitur ita positis, facilè erit intelligere quomodo septem illi circuitus quadragenarii possint undecimum mensem apprehendere; supponendo primò, pro Hippocrate, plurimas mulieres concipere post menstrua purgamenta, ubi ab his exolutæ fuerint; habet enim hoc tempus multas ad concipiendum opportunitates: nam exinanita uteri vasa, immissum semen, avidius sugunt & prolestant, attractumque firmius retinent: commoventur autem menstrua illa purgationes diversis temporibus; nonnullis enim in novilunio, nonnullis circa plenilunium concitantur,

*Luna vetus veteres, juvenes nova luna repurgat.*

Oportet igitur, inquit Hippocrates, mulieri tempus dare mensis, in quo ipsa purgatio continget, & hoc tempus quibus brevissimum fit, tres sunt dies. Ergo quæ mulieres circa plenilunium purgantur, tertia die à plenilunio concipiunt; tertius autem dies à plenilunio est decimus septimus cum dimidio; ergo, ad complementum mensis lunaris, supersunt circiter duodecim dies, qui pro primo mense computantur. Quòd si duodecim illis diebus addas novem menses lunares completos, assignando cuilibet mense viginti novem dies cum dimidio, fient ducenti septuaginta septem cum dimidio: igitur, ad complementum septimi circuitus quadragenarii, supersunt duo dies cum dimidio; qui dicuntur, undecimum mensem apprehendere, quod voluit denotare Hippocrates dum ita concludit. *Ex his*

igitur omnibus necessarium est plerasque mulieres, circa plenilunium, & ultra in ventre concipere, ut ducenti & octoginta dies sæpè undecimum mensem apprehendere videantur: tot enim dies, septem quadragenarios constituunt: nam, cum ultra plenilunium mulier concipit, necesse est eum conceptum undecimum mensem attingere, quoad ultimum circuitum perveniat, Ergo, quàmvis Hippocrates statuat summum gestationis tempus modò esse decem mensium, modò septem circuitibus quadragenariis includat, modò ad undecimum mensem extendat; semper tamen sibi constat, nec à se ipso unquam discedit; adeo ut mirum sit, ex apparente aliquâ locorum discordiâ, quæ in modo computandi & in verbis potiùs inest, quàm in re ipsâ, tot nata esse dissidia inter Philosophos & Medicos.

Ex his igitur satis constat, summum gestationis tempus non posse excedere septem circuitus quadragenarios, juxta mentem Hippocratis. Itaque cum, ab obitu Titii ad diem partûs posthumi, numerentur dies trecenti & decem, si addas decem illos dies quos ante obitum Titii numerandos esse supra monuimus, fient trecenti & viginti dies, qui dierum numerus, toto quadragenario, excedit summum illum terminum ab Hippocrate præscriptum, quod erat mihi demonstrandum.

CÆTERUM, ad pleniorẽ hujus secundæ rationis intelligentiam, placet universam rem paulò altiùs repetere & investigare quâ ratione ductus Hippocrates summum gestationis tempus, septimo circuitu quadragenario, concluderet: neque enim probabile est Divinum illum virum ita, absque ratione, sanxisse. Ut enim Jurisperiti erubescunt sine lege loqui, ita nec Medicum absque ratione loqui decet, est enim ratio velut lex quadam ipsius naturæ. Ergo

ut intelligamus quâ ratione motus Hippocrates, terminum illum prægnantibus assignaverit, sciendum est partum fieri per modum criseos, ut frequenter ille inculcat, & post eum Galenus: sicut enim crisis fit cum, morbifici humoris orgasmo, concitata natura insurgit ad illius exclusionem, ita partus fit, cum, fœtus recalcitatione & vinculorum laceratione, concitatus uterus insurgit ad illius exclusionem. Crisis alia perfecta, alia imperfecta est. Partus quoque alius perfectus, alius imperfectus est; perfectam crisin antecedit morbifici humoris præparatio, perfectum quoque partum præcedit partium apparatus totiusque fœtus absolutio & complementum. Crisis, quàmvis varia habeat tempora, tamen sunt certi quidam dies, ante quos nulla fit crisis, & quibus elapsis nulla fit crisis. Sic & partus humanus, sua habet tempora, extra quæ non potest fieri partus perfectus. Ergo, ut ad rem accedamus, sicut, in toto morbi decursu, dies critici observandi sunt, in quibus humor commoveretur, & consequenter natura insurgit ad illius exclusionem; ita, in toto gestationis tempore, observandæ sunt septimanæ, menses & circuitus quadragenarii; his enim temporibus variæ insignes mutationes solent fœtui contingere. Ac de septenario quidem quanta sit ejus vis, tum in fœtus efformatione, tum in universo vitæ decursu, sive per morbos, sive per sanitatem, non est quod multa referam, cum tam multa apud authores reperiantur; ut nonnulli, integro opere, septenarii virtutes sint profecuti; singularem numeri illius vim in fœtu demonstrat quod septimestres partus vitales sint, non autem octimestres, sicut crises, quæ die septimo contingunt, faustis ægri rebus eveniunt; quæ verò octavo, infidæ sunt, & ut plurimum exitiales.

Menses etiam, in gestatione fœtus, contemplabi-

les sunt, quòd in iis variæ contingant mutationes; quod ostendit Hippocrates ex eo quòd, sicut ante conceptum; sanguis ille menstruus, singulis mensibus, commovetur: ita, & post conceptum, & toto gestationis tempore concitatur. Et verò cum duo illa benefica sydera, ex quorum radiis & influxu, tum fœtus in utero, tum cætera corpora naturalia efformantur, varias mutationes hoc tempore subeant; quis dubitet quin fœtus quoque varias subeant mutationes & agitationes? *Nam, ut inquit Aristoteles, lib. 4. hist. anim. sub finem, necesse est ut rerum minùs principalium circuitus sequantur circuitus rerum magis principalium.*

Sed &, per circuitus quadragenarios, varias in fœtu contingere mutationes testatur Hippocrates: imò & ita his circuitibus addictus videtur, tantamque virtutem illis assignat, ut omnium mutationum rationem, quæ in fœtu solent contingere, in circuitus istos quadragenarios referendam existimet.

Nam, ubi docuit mulieribus fidem adhibendam, cum loquuntur de his quæ ad partum spectant, subdit: Dicunt autem & abortus plurimos, in primis quadraginta diebus, fieri: sed & reliqua conscripta his accidere in quadragenariis. Prægnantes quoque, cum quadagesimum diem transmiserint, rarò abortum pati decernit: sed & post partum mulier, quadraginta diebus ad summum, expurgatur; unde, in veteri lege, enixis nefas erat ad templum accedere, ante quadagesimum diem. Sed & latentem numeri hujus virtutem multis aliis experimentisprehendimus. Vidimus his in locis, superioribus annis, nonnullos, à cane rabido demorsos, qui, triginta novem dies, incolumes & absque latentis veneni suspitione transmiserunt, sed, accedente quadagesimo die, venenata illa aura, quasi de somno suscitata & efferata, eos in rabiem egit,



& de medio sustulit. Si quis, ab accepto vulnere, quadraginta diebus, superstes maneat, & postea fatiscadat; non censetur mors illa accepto vulnere referenda. Quin & communis usus invaluit ut, si quis cum peste infectis versatus sit, per totos quadraginta dies, à communi hominum consortio arceatur; quos, si incolumis peregerit, non censetur ulla labe infectus. Hanc autem quadragenarii vim deducunt Pythagorici ex eo quod numerus ille sit velut quidam effectus resultans ex septenario, & illius partibus: partes enim septenarii sunt tria & quatuor; si igitur septenario addas ternarium, fiet denarius, quem, si per quatuor multiplices, consurget quadragenarius.

Sunt igitur, in toto gestationis spatio, hæc tempora observanda, septenarii, menses & circuitus quadragenarii. Atque, si menses & circuitus quadragenarios per septenarium multiplices, habebis primum & ultimum gestationis terminum; sicut enim septem menses sunt primus gestationis perfectæ terminus; ita septem circuitus quadragenarii continent summum & maximum, quem nusquam natura transgreditur. Ac, de primo seu minimo gestationis termino, vix ulla est controversia; siquidem Jurisperiti, & Medici, & Philosophi, communibus suffragiis decernunt non posse esse vitalem partum ante septimum mensem: cum enim solis influxus necessarius sit ad perfectam fœtus maturationem, debet uterus, rectis & fortibus radiis solaribus, illustrari: hoc autem præstat sol, cum è diametro respondet signo conceptionis: necesse est igitur, ad complementum partûs, ut completum sit & integrum anni solaris dimidium, neque est quod rem, quæ omnibus in confesso est, validioribus argumentis probare satagamus.

Quoniam autem non ita convenit apud omnes

de summo gestationis termino, manifestè ex superioribus demonstro, illum non posse excedere septem circuitus quadragenarios. Ac imprimis id repeto quod jam monui, per circuitus quadragenarios, maximas contingere mutationes in fœtu; &, quod ad nostrum institutum maximè facit, primo quadragenario animatur fœtus, tertio movetur, quinto absolutus est & completus: adeo ut, si in lucem exeat, vitalis censeatur; septimus enim mensis in hunc circuitum cadit: ergo, hoc ipso circuitu, acetabula, quibus alligatur fœtus in utero, paulatim laxantur; quod demonstrat Hippocrates similitudine illius membranulæ quæ granum tritici involvit, quæ, quandiu granum immaturum est, firmiter & tenaciter ipsi adhæret; ubi verò maturitatem adeptum est, sponte suâ laxatur, & ab illo separatur.

Hoc ipsum etiam manifestè conspicitur, in aspero illo & hirsuto tegumento quod castaneas involvit; hoc enim, dum fructus immaturus est, adeo firmiter compactum est, ut vix ipsum possis delere; maturo verò fructu, paulatim dehiscit & expanditur: ita vincula illa, quibus fœtus in utero alligatur, quandiu immaturus est, firmiter ipsi adhærescunt: hoc verò quinto quadragenario, quo fœtus suam maturitatem assequutus est, paulatim laxantur & dehiscunt: ergo, quamvis fœtus jam completus ampliorem locum expetens, & uberius alimentum exposulans, incipiat recalcitrare, quamvis ligamenta laxiora sint, uterus tamen ad illius exclusionem, raro se accingit, quòd, velut naturali quodam instinctu, prævideat fœtui non satis esse roboris, tum ad perferendos partûs labores, tum ad mutationes sustinendas, quæ in partu solent contingere. Sicut enim mutationes temporum, locorum & alimenti, morbos, etiam adultis, inferre possunt; ita variae illæ mutationes, tenello fœtui, varios mor-

bos possunt fuscitare. Nam utero inclusus, tepido & benigno matris calore, fovetur: exclusus verò ab utero, variis injuriis aëris exponitur: in utero, sanguinem coctum & elaboratum fugit & prolecat, qui non aliâ coctione indiget, quàm ut ipsi agglutinetur: extra uterum, lac à nutricis papillâ fugit, illudque frequenter parum suæ naturæ conveniens; prolecatum lac, qualecumque sit, in stomacho elaborari debet, & triplicem illam coctionem subire, antequam in alendas partes convertatur: intrâ uterum, mollibus & suavissimis membranis involvitur: extra uterum, asperioribus fasciis & linteis alligatur; quæ subinde mutanda sunt, quòd, variis excrementis quæ emittit, conspurcentur.

Adde quòd, in ipso exclusionis tempore, angustioribus matricis oris ita comprimitur, ut, velut exanimis, per aliquod tempus remaneat. Sagax igitur & provida natura, Divino quodam instinctu, hæc incommoda prævidens agnoscensque debiliorem fœtum, quàm ut innoxie illa possit sustinere, primos illos recalcitrantis fœtus impetus cohibere satagit, prohibetque, in quantum potest, ne uterus ad illius exclusionem se accingat, adeo ut meritò cum Philosophis dicere possimus, opus naturæ, opus esse intelligentiæ non aberrantis. Fœtus igitur, per frequentem illam recalcitationem, defatigatus ac, per vinculorum lacerationem, debiliior factus, per totum sequentem quadragenarium circuitum, in utero debet quiescere; & ut verbis ipsius Hippocratis rem exprimam: *Quicumque fœtus, in illo secessu, afflictionem pertulerunt, quadraginta dies in imbecillitate transigunt, & quicumque natus fuerit, in his quadraginta diebus, eum impossibile est superstitem manere.* Redit ergo in gratiam cum utero fœtus, & benignè ab illo excipitur, foveturque per totum sextum quadragenarium. Per-

actō igitur sexto illo circuitu morboſo, ubi ad ſeptimum quadragenarium perventum eſt, fœtus novum incrementum novumque robur in dies aſſumens, uberiusque alimentum & ampliorem locum expoſtulans, incipit de novo recalcitrare: Ac, cum inſignes mutationes contingant, per ſeptimanas, meſes, & quadragenarios, in illis magis ſubſultat & recalcitrat fœtus: ac primò, per illas ſeptimanarum concitationes, vincula quibus alligatur paulatim ſolvuntur: accedente autem fortiori illa concitatione quæ ſit per illorum ſyderum conjunctionem; aut omninò diſrumpuntur, aut ſaltem ita laxantur, ut, accedente concitatione illâ, quæ contingit per circuitum quadragenarium, neceſſe ſit fœtum excuti: ſicut enim granum tritici, ubi maturum eſt laxataque eſt membrana quâ involvitur, vel minimo flante vento, exturbatur; ita maturus fœtus, ſolutis compagibus quibus alligatur, per varias illas concitationes quas memoravimus, neceſſariò debet emitti ac potiffimum hoc ſeptimo quadragenario; quia, ut in criſibus, ſic & in partu, natura potiùs operatur per circuitus impares, quàm per pares: nam primo circuitu animatur fœtus, tertio movetur, quinto abſolvitur, ſeptimo debet emitti in lucem. Receptum eſt enim ab omnibus Philoſophis hoc axioma, quòd poſitis omnibus ad actionem neceſſariis, neceſſariò conſequatur actio: Hic autem omnia ponuntur quæ ad partum ſunt neceſſaria: nam fœtus maturus eſt, vincula laxata ſunt, fœtus ſatis valens ad perferendas partûs moleſtias; uteri vis ſufficiens ad exclusionem recalcitrantis fœtûs, quin & longa illa geſtatione & excrementorum copiâ defatigatus eſt; ergo, hoc tempore neceſſariò debet ſequi partus.

Neque verò exiſtimamus in eorum ſententiam eundem eſſe, qui volunt languidiores fœtus, ſive

**ex** mœrore matris, sive aliâ ex causâ id contingat, longiorem moram in utero trahere; cum ipse Hippocrates oppositum doceat, scribens solos fœtus vegetiores & robustiores, ad finem septimi circuitûs quadragenarii pervenire; siquidem languidiores fœtus, per frequentes illas agitationes, exturbantur, antequam ad finem ultimi illius circuitûs pervenerint; quod facîle intelliges, si contempleris varios fructus in eâdem arbore sitos: in eâdem pomo, verbi gratiâ, sunt multa & varia poma; horum nonnulla vegetiora sunt, multo succo plena, &, firmissimo pedunculo, arbori alligata: alia verò exsucca sunt, marcida & sicco pedunculo affixa: dum igitur vento concitatur arbor; sanè illa quæ valentiora sunt, immota permanent: quæ verò cariosa & tabida sunt, statim excutiuntur; idem ergo esto iudicium, de languidiore & valentiore fœtu, per varias illas concitationes, quas frequenter contingere jam docuimus.

Possunt & alia multa opponi contra hanc Hippocratis doctrinam, quæ tamen facîle dissolverem, nisi lectorum orio abuti viderer; unum tantum afferam, ex cujus dissolutione multæ aliæ objectiones solvi poterunt.

Dices ergo. Hippocrates docet mulieribus adhibendam esse fidem, dum loquuntur de his quæ ad partum spectant. At multæ probæ & honestæ mulieres, & omni exceptione majores palam & apertè profitentur, se, ad finem usque undecimi mensis civilis, in utero habuisse: nonnullæ etiam ad duodecimum; sed & Avicenna magni nominis Medicus, etiam decimo quarto mense, vitalem fœtum prodiisse memoriæ prodidit; ut omittam eos qui affirmant se vidisse nonnullas quæ, ad vigesimum tertium mensem, imò & toto biennio in utero habuerint. Huic objectioni occurrunt & Hippocra-

tes, &, qui multa ex Hippocrate, circa hanc materiam, desumpsit Aristoteles, mulieres illas decipi, ex retentis in utero flatibus; quomodo autem id contingat, non injucundum erit, nec ab instituto nostro alienum, breviter explanare. Ergo flatus ille in utero inclusus, vel ab ipsâ matrice, ex vicinis partibus, attrahitur, ut pote quæ maximâ vi attrahendi donata est, quam Aristoteles assimilât natium inspirationi, per quam & pulveres & liquores, unâ cum aëre, attrahimus, vel propter immixti seminis imbecillitatem, generatur: siquidem semen debet esse benè coctum, ac consequenter viscidum, crassum & tenax, ut matricis parietibus possit adhærescere: si igitur crudum est, & liquidius quàm par sit, quale in iis est qui nimium veneri indulgent, & potius ad voluptatem, quàm ad suscipiendam prolem, eam exercent; tale semen omnino infœcundum est & nihilominus à matrice avidissimè excipitur & intus reconditur, eoque retento, os internum uteri occluditur, eodem modo quodum fœcundum excipit semen. Unde fit ut symptomata illa quæ prægnantibus evenire solent, hîc etiam contingant: ac propterea deceptæ mulieres existimant se reverà concepisse; cùm tamen materia illa, in utero retenta, in flatum abeat. Et quod majorem suspicionem graviditatis ipsis infert, illud est quod, eo ipso tempore quo verus fœtus in utero movetur, flatus iste conciterur & infantis motum ementiatur; imò, accedente partûs tempore, flatus ille agitur & nonnunquam foras prodit: quod, facere admodum, non invenuto quidam Poëta, Acciellæ contigisse memorat.

*Venter cùm tumuisset Acciella,  
Septem mensibus & novem diebus;  
Capissetque Lien parum dolere;*